

**MEMORANDUM O RAZUMIJEVANJU**  
**IZMEĐU**  
**MINISTARSTVA VANJSKIH POSLOVA CRNE GORE**  
**I**  
**MINISTARSTVO VANJSKIH POSLOVA REPUBLIKE INDONEZIJE**  
**O BILATERALNIM KONSULTACIJAMA**

Ministarstvo vanjskih poslova Crne Gore i Ministarstvo vanjskih poslova Republike Indonezije, u daljem tekstu "Strane",

U želji da ojačaju prijateljske odnose između dvije zemlje i naroda i da unaprijede dijalog i saradnju na osnovu otvorenosti, uzajamnog poštovanja, zajedničke koristi na principima suverene jednakosti,

Želeći da razviju novu vrstu odnosa koja je konkretna i podstiče direktnije konsultacije između Strana na svim nivoima,

Prepoznajući potrebu za uspostavljanjem mehanizma redovnih konsultacija između Strana u pitanjima od zajedničkog interesa,

Shvatajući da bi takav mehanizam olakšao konsultacije i uključio održavanje redovnih, strukturiranih sastanaka i *ad hoc* sastanaka,

Shodno važećim zakonima i propisima dviju zemalja,

Saglasile su se o sljedećem:

**ČLAN 1**

**CILJEVI**

Strane ovim uspostavljaju mehanizam bilateralnih konsultacija između Ministarstva vanjskih poslova Crne Gore i Ministarstva vanjskih poslova Republike Indonezije radi razmatranja i ispitivanja svih aspekata bilateralnih odnosa i razmjene mišljenja o međunarodnim pitanjima od obostranog interesa.

## **ČLAN 2**

### **MEHANIZAM KONSULTACIJA**

1. Konsultacije se održavaju svake 2 (dvije) godine ili u bilo koje vrijeme uzajamno dogovoreno od strana ugovornica, naizmjenično u Crnoj Gori i Indoneziji, ili u trećoj zemlji. Detalji o datumu, mjestu, dnevnom redu i nivou predstavnika konsultacija dogovaraju se diplomatskim putem.

2. Strane će garantovati tajnost rezultata konsultacija, dokumenata i informacija koje se razmjenjuju između njih i neće ih proslijediti ili prenijeti trećoj strani bez prethodne saglasnosti druge Strane.

## **ČLAN 3**

### **OBIM KONSULTACIJA**

1. Strane će obavljati konsultacije i razmjenu mišljenja o pitanjima od zajedničkog interesa, a naročito u političkim, ekonomskim, kulturnim, konzularnim, socijalnim i obrazovnim pitanjima.

2. Strane će takođe razmjenjivati stavove o međunarodnim pitanjima i razvoju zajedničkog interesa i, kad god je potrebno, razgovarati o bilateralnoj saradnji ili međunarodnim pitanjima.

3. Strane će podsticati saradnju i direktne kontakte između diplomatskih službenika. One će promovisati organizaciju i adekvatno sprovođenje zajedničkih aktivnosti i programa, što se može sporazumno dogovoriti diplomatskim putem.

4. Strane će unaprijediti saradnju i konsultacije na nivou diplomatskih i konzularnih predstavništva Crne Gore i Republike Indonezije u trećim zemljama.

## **ČLAN 4**

### **OBUKA I PROFESIONALNI RAZVOJ DIPLOMATA**

Strane će podržati sve aktivnosti koje se odnose na obuku i stručno usavršavanje diplomata, kroz saradnju organizacionih jedinica unutar Strana ili ovlašćenih jedinica nadležnih za obrazovanje i obuku diplomata.

## **ČLAN 5**

### **RJEŠAVANJE SPOROVA**

Svaki spor o tumačenju ili primjeni ovog Memoranduma o razumijevanju biće prijateljski riješen, putem konsultacija ili pregovora.

## **ČLAN 6**

### **IZMJENE I DOPUNE**

Ovaj Memorandum o razumijevanju može se izmijeniti na osnovu uzajamne saglasnosti Strana. Takve izmjene i dopune stupaju na snagu u skladu sa odredbama člana 7 i čine sastavni dio ovog Memoranduma o razumijevanju.

## **ČLAN 7**

### **STUPANJE NA SNAGU, TRAJANJE I ROK VAŽENJA**

1. Ovaj Memorandum o razumijevanju stupa na snagu danom potpisivanja.
2. Ovaj Memorandum o razumijevanju ostaje na snazi u za period od 5 (pet) godina i automatski se obnavlja za naredne petogodišnje periode, osim ukoliko jedna od Strana pisanoj formi, diplomatskim putem, ne obavijesti drugu Stranu o svojoj namjeri da isti raskine, najmanje 6 (šest) mjeseci prije namjeravanog datuma raskida.

Sačinjeno u ..... dana ..... u dva originalna primjerka, svaki na crnogorskom, indonežanskom i engleskom jeziku, pri čemu su svi tekstovi jednak vjerodostojni. U slučaju bilo kakvih razlika u tumačenju ovog Memoranduma o razumijevanju, tekst na engleskom jeziku će biti mjerodavan.

**ZA MINISTARSTVO VANJSKIH POSLOVA  
CRNE GORE**

**ZA MINISTARSTVO VANJSKIH POSLOVA  
REPUBLIKE INDONEZIJE**

..... \_\_\_\_\_

..... \_\_\_\_\_



**Crna Gora  
Ministarstvo vanjskih poslova  
Generalni direktorat za bilateralne poslove**

**Broj:**

**Podgorica, 13.septembar 2017. godine**

***INFORMACIJA O ZAKLJUČIVANJU MEMORANDUMA O RAZUMIJEVANJU IZMEĐU  
MINISTARSTVA VANJSKIH POSLOVA CRNE GORE I MINISTARSTVA VANJSKIH  
POSLOVA REPUBLIKE INDONEZIJE O BILATERALNIM KONSULTACIJAMA***

Republika Indonezija je priznala Crnu Goru 24.jula 2006. Diplomatski odnosi su uspostavljeni 21. septembra 2011.

Ministarstvo vanjskih poslova Crne Gore i Ministarstvo vanjskih poslova Republike Indonezije su, u cilju pravnog regulisanja uzajamne saradnje na nivou dva ministarstva diplomatskim putem, usaglasili Memorandum o razumijevanju o bilateralnim konsultacijama na nivou dva ministarstva.

Memorandumom se predviđa da će ugovorne strane redovno održavati konsultacije po pitanjima bilateralnih odnosa, kao i međunarodnih odnosa, te da će se iste održavati naizmjenično u Crnoj Gori i Indoneziji. Datum, mjesto, dnevni red i nivo sastanaka, se određuju na osnovu uzajamnog dogovora, diplomatskim putem. Memorandumom se predviđa da će ugovorne strane, tokom bilateralnih konsultacija primarno razmatrati mogućnosti za uspostavljanje i širenje bilateralne saradnje u političkoj, ekonomskoj, kulturnoj, naučnoj i tehničkoj oblasti, unapređenje bilateralne ugovorne baze, uključujući i razmjenu informacija o sprovodenju njihovih bilateralnih ugovora, takođe i da će razmjenivati stavove po pitanjima bezbjednosti i međunarodne i regionalne saradnje, kao i pitanjima od zajedničkog interesa koja razmatraju međunarodne organizacije čiji su članovi države ugovornih strana.

Ovaj Memorandum stupa na snagu danom njegovog potpisivanja i zaključuje se na period od pet godina. Važenje Memoranduma se automatski produžava za naredni period od pet godina, ukoliko nijedna od Strana ne obavijesti drugu Stranu, diplomatskim putem, o svojoj namjeri da prekine njegovo važenje. U tom slučaju, prestanak važenja Memoranduma stupa na snagu šest mjeseci nakon prijema notifikacije.

Memorandum će potpisati ministar vanjskih poslova prof. dr Srđan Darmanović, na marginama zasjedanja Generalne skupštine UN, krajem septembra 2017. godine.

**Prilog: nacrt Memoranduma**